



Broj: 05/1-50-15-26-7-3/21

Sarajevo, 24. 11. 2021.

ZAPISNIK

7. sjednice Nezavisnog odbora Parlamentarne skupštine BiH

Sjednica je održana 24. 11. 2021, s početkom u 17.15 sati.

Sjednicu je sazvao Enes Obraliya, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdrob, Nikola Džambas, Mate Miletić, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicom je predsjedavao predsjednik Nezavisnog odbora Enes Obraliya.

Konstatirajući da postoji kvorum, otvorio je 7. sjednicu Nezavisnog odbora Parlamentarne skupštine BiH.

Predsjednik Nezavisnog odbora Enes Obraliya predložio je sljedeći

DNEVNI RED

1. Usvajanje Zapisnika 6. sjednice Nezavisnog odbora;
2. Dopis Pravobranilaštva BiH, broj: 03-4-10-4-P-362/19 od 12.11.2021. a zaprimljen u Pisarnici Parlamentarne skupštine BiH 15.11.2021, broj: 05/1-50-15-26-65-6/19;
3. Informacija o posjeti članova Nezavisnog odbora Graničnoj policiji BiH;
4. Tekuća pitanja.

Prije glasanja o dnevnom redu za riječ se javio drugi zamjenik predsjednika Nezavisnog odbora Uroš Pena koji je predložio da se tačka 3. skine s predloženog dnevnog reda 7. sjednice Nezavisnog odbora, a da se na jednoj od narednih sjednica razmatra Izvještaj o posjeti članova Nezavisnog odbora Graničnoj policiji BiH.

Ovaj prijedlog jednoglasno je usvojen.

Nakon što je usvojen prijedlog za izmjenu dnevnog reda, predsjednik Nezavisnog odbora Enes Obralića konstatirao je da sjednica ima sljedeći

D N E V N I R E D

1. Usvajanje Zapisnika 6. sjednice Nezavisnog odbora;
2. Dopis Pravobranilaštva BiH, broj: 03-4-10-4-P-362/19 od 12.11.2021. a zaprimljen u Pisarnici Parlamentarne skupštine BiH 15.11.2021., broj: 05/1-50-15-26-65-6/19;
3. Tekuća pitanja

Ad. 1. Usvajanje Zapisnika 6. sjednice Nezavisnog odbora

Zapisnik 6. sjednice Nezavisnog odbora usvojen je jednoglasno, bez primjedbi.

Ad. 2. Dopis Pravobranilaštva BiH, broj: 03-4-10-4-P-362/19 od 12.11.2021. a zaprimljen u Pisarnici Parlamentarne skupštine BiH 15.11.2021, broj: 05/1-50-15-26-65-6/19

U okviru ove tačke dnevnog reda predsjednik Nezavisnog odbora Enes Obralića istakao je da je ovo tijelo zaprimilo dopis Pravobranilaštva BiH, broj: 03-4-10-4-P-362/19 od 12.11.2021. a zaprimljen u Pisarnici Parlamentarne skupštine BiH 15.11.2021, broj: 05/1-50-15-26-65-6/19 kojim ovom tijelu dostavljaju k znanju Rješenje Suda BiH – Revizija tužioca se odbacuje kao nedopuštena, broj: S1 3 P 033941 21 Rev od 4.11.2021. u predmetu Nj. J.

O ovoj tački dnevnog reda nije bilo rasprave.

Ad.3. Tekuća pitanja

U okviru ove tačke dnevnog reda dogovoreno je da predsjednik Nezavisnog odbora Enes Obralića za sljedeću sjednicu pripremi Prijedlog plana rada Nezavisnog odbora kao nezavisnog tijela policijske strukture Bosne i Hercegovine za 2022. godinu.

Također, u okviru ove tačke dnevnog reda usaglašeno je da se od Direkcije za koordinaciju policijskih tijela BiH, Granične policije BiH i Državne agencije za istrage i zaštitu zatraže programi rada za 2022. godinu.

Dalje, u okviru ove tačke dnevnog reda za riječ se javio Muhamed Mujakić, član Nezavisnog odbora, koji je predložio da se rukovodstvu Granične policije BiH upute dopisi za dostavu informacija a vezano za aktuelnu konkursnu proceduru izbora policijskih službenika u Graničnoj policiji BiH koja je, prema njegovom mišljenju, kompromitirana i o kojoj je javnost upoznata. Također, da dostave informaciju da li su preduzete ikakve unutrašnje istrage a vezano za snimke i fotografije koje su se pojavile u javnosti a tiču se ulazaka i izlazaka određenih lica na graničnom prijelazu Aerodrom. Predsjednik Nezavisnog odbora je o ovim pitanjima otvorio raspravu. U raspravi su učestvovali svi članovi Nezavisnog odbora nakon koje je usaglašeno da su predmetne radnje pod istragom nadležnih organa te da je u ovom trenutku preuranjeno da Nezavisni odbor traži bilo kakve informacije. Također, dogovoreno je da će Nezavisni odbor u narednom periodu, kad se za to steknu uslovi, kroz redovne aktivnosti i sastanke s rukovodstvom Granične policije BiH delegirati ova pitanja.

Dalje, u okviru ove tačke dnevnog reda dogovoreno je da se sljedeća sjednica Nezavisnog odbora okvirno održi polovinom decembra 2021. godine.

Predsjednik Nezavisnog odbora Enes Obralića zaključio je sjednicu u 18.15 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića